



Broj: 01-27-16599 /17
Zenica, 05.12.2017. godine

- **VLADA ZENIČKO-DOBOJSKOG KANTONA**
 - n/r premijera Kantona
 - n/r sekretara Vlade
- **ZAKONODAVNO-PRAVNA KOMISIJA SKUPŠTINE-svim članovima putem Odjeljenja za poslove radnih tijela Skupštine - 04**

PREDMET: Inicijativa za donošenje Rezolucije ili drugog pravnog akta u vezi sa podrškom izgradnji buduće trase auto-puta Sarajevo-Beograd preko teritorije Zeničko-dobojskog kantona, (preko Žepča-Zavidovića, poznata trasa Tuzla-Bijeljina do Beograda) - dostavlja se,

Damir Jukić, poslanik u Skupštini Zeničko-dobojskog kantona, podnio je na 50. sjednici Skupštine Zeničko-dobojskog kantona održanoj 29.11.2017. godine, u okviru predtačke dvenog reda: „Postavljanje poslaničkih pitanja i pokretanje inicijativa“, shodno članu 111., a u vezi sa članom 152. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13,) Inicijativu da Skupština Zeničko-dobojskog kantona donese Rezoluciju ili neki drugi pravni akt u vezi sa podrškom izgradnji buduće trase auto-puta Sarajevo-Beograd preko teritorije Zeničko-dobojskog kantona, (preko Žepča-Zavidovića, poznata trasa Tuzla-Bijeljina do Beograda).

S tim u vezi, u skladu sa članom 112. stav 1., a u vezi sa članom 152. Poslovnika Skupštine Zeničko-dobojskog kantona, u prilogu vam dostavljam na mišljenje predmetnu Inicijativu o kojoj ste se dužni izjasniti u roku od 30 dana, radi daljeg postupanja Skupštine po istoj u skladu s Poslovnikom Skupštine.

Inicijativa je sadržana u dijelu transkripta sa 50. sjednice Skupštine koji vam dostavljamo u prilogu, a nakon što poslanik Jukić tekst Inicijative dostavi i u pisanom obliku, kao što je istakao na sjednici Skupštine, istu ćemo vam odmah dostaviti.

S poštovanjem!

SEKRETAR

Ibrahim Avdagić

PRILOZI: izvod iz transkripta sa 50. sjednice Skupštine u kome je sadržana inicijativa poslanika Jukića

Dostavljeno:

1x Naslovu

1x Svim poslanicima Skupštine/ skenirano putem e-maila/05-03

1x Ministarstvo za prostorno uređenje, promet i komunikacije i zaštitu okoline ZDK

n/r ministra/ na znanje

1x U spis predmeta / „R“ 03

1x U evidenciju 05-03

DAMIR JUKIĆ

Još jednom sve vas lijepo pozdravljam, shodno Poslovniku o radu Skupštine Zeničko-dobojskog kantona pokrećem inicijativu da Skupština Zeničko-dobojskog kantona donese Rezoluciju ili neki drugi pravni akt u vezi sa podrškom izgradnji buduće trase auto-puta Sarajevo-Beograd preko teritorije Zeničko-dobojskog kantona dakle, preko Žepča-Zavidovića, poznata trasa Tuzla-Bijeljina do Beograda.

I zbog značaja u ekonomskom i u industrijskom smislu navedenu inicijativu ću dostaviti u pisanom obliku. Molim Vladu Zeničko-dobojskog kantona, da se što prije izjasni o inicijativi kako bi nadam se Kolegij stavio navedenu inicijativu već na prvu narednu sjednicu Skupštine Zeničko-dobojskog kantona. Hvala lijepo.

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona», broj: 7/10), Vlada Zeničko-dobojskog kantona, na 132. sjednici, održanoj 12.02.2018.godine, d o n o s i

ZAKLJUČAK

I.

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona kojim se prihvata Inicijativa poslanika u Skupštini Zeničko-dobojskog kantona Jukić Damira da Skupština Zeničko-dobojskog kantona donese Rezoluciju ili neki drugi pravni akt u vezi sa podrškom izgradnji buduće trase auto-puta Sarajevo-Beograd preko teritorije Zeničko-dobojskog kantona, dakle preko Žepča-Zavidovići, poznata kao trasa Tuzla-Bijeljina do Beograda.

II.

Mišljenje iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____ /18.

Datum, 12.02.2018. godine

Z e n i c a

PREMIJER

Miralem Galijašević

DOSTAVLJENO:

1 x Ministarstvo za prostorno uređenje,
promet i komunikacije i zaštitu okoline,

1 x Stručna služba Skupštine ZDK

1 x 1 x a/a

Na osnovu člana 112. stav 1. Poslovnika Skupštine Zeničko-dobojskog kantona-Prečišćen tekst (*"Službene novine Zeničko-dobojskog kantona"*, broj:7/12), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje

MIŠLJENJE

o inicijativi Jukić Damira da Skupština Zeničko-dobojskog kantona donese Rezoluciju ili neki drugi pravni akt u vezi sa podrškom izgradnji buduće trase auto-puta Sarajevo-Beograd preko teritorije Zeničko-dobojskog kantona, dakle preko Žepča-Zavidovići, poznata kao trasa Tuzla-Bijeljina do Beograda.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra da je navedena inicijativa prihvatljiva i izjašnjava se kako slijedi:

Autocesta u Koridoru Vc (autocesta A1 u FBiH) predstavlja dio centralnog transportnog koridora kroz Bosnu i Hercegovinu, od sjeverne do južne granice sa Republikom Hrvatskom i u našoj zemlji čini kičmu cestovnog saobraćajnog sistema.

Opšti cilj realizacije projekta autoceste u Koridoru Vc je uključivanje BiH u glavne evropske saobraćajne tokove i evropski ekonomski sistem u kontekstu razvoja mreže Transevropskih saobraćajnica („TEN-T“) na području EU¹. Izgradnjom ove autoceste, ostvariti će se podesno povezivanje bosansko-hercegovačkih prostora sa susjednim državama i regijama, te postići stabilizirajući i razvojni efekti za cijelu zemlju.

Osim osovinskog primarnog razvojnog pravca, autocesta u Koridoru Vc generirati će razvoj i poprečnih pravaca značajnih sa stanovišta prostornog povezivanja i prostorne integracije, bilo da su ti pravci planirani kao nove saobraćajnice ili kao značajnije rekonstrukcije postojeće saobraćajne mreže.

Kao jedan od najznačajniji poprečnih primarnih pravaca, planirana je:

- autocesta Orašje-Tuzla-Žepče (A2 i A3 u FBiH), koja bi se inter-regionalnim čvorištem u području Žepča vezivala na autocestu u Koridoru Vc, čime se ostvaruje veza centralnog dijela KS i ZDK sa TK i PK, a time i veza sa Lukom Brčko na rijeci Savi, kao osovine sa najprosperitetnijom pozicijom za dalji ekonomski razvoj na području BiH uopće.

Izgradnja inter-regionalnog čvorišta u općini Žepče, služi za povezivanje tokova sa dvije autoceste, A1-Koridor Vc i A3/A2 Žepče-Tuzla-Orašje. Ova lokacija je jako značajna, jer povezuje saobraćajne tokove za najnaseljenija područja i najrazvijenije lokalne ekonomije u FBiH, a i u BiH uopće (TK, ZDK, KS i šire). Pored toga, omogućava se najbrža poveznica sa veoma perspektivnim razvojem Međunarodnog aerodroma Tuzla.

MINISTAR

Fahrudin Brkić

¹ Prema aktuelnom dogovoru između EU i zemalja Zapadnog Balkana, tzv. SEETO mreža se postepeno pretvara u TEN-T mrežu za perspektivne/buduće članice EU na području Zapadnog Balkana.